




Inches

Centimetres

TIFEN Color Control Patches

© The Tifen Company, 2007



聯字雜錄

目錄

納甸歸城

癸酉之變


漫筆之肆

伊犁羅城

朝鮮慶君

五國城

俄羅斯



嘯亭雜錄卷四

目錄

緬甸歸誠本末

癸酉之變

滑縣之捷

伊犁疆域

朝鮮廢君


五國城

俄羅斯



和真艾雅喀

洪齡爾國



代附陳公作梅家世攷

嘯亭雜錄一書悉輯我

朝掌故而成其中裒貶掇史筆也讀至緬甸歸誠一事內敘
迤西道陳公作梅等有邊陲不可開之議當時大府謬持
已見議遂有終改者獨陳公知戰爭之局已成莫可挽回
遂自安簡默而綜數十年勞師糜餉卒至和議觀之知陳
公之初議計之深慮之遠也惜大權不屬未獲展布於其
間故生平政蹟淹沒不彰幸此書敘及一言可爲幽光代
發矣瀛讀至此心嚮往之每以未稔陳公家世爲憾光緒

戊子由無極量移昌黎遇陳子禹門細詢邦族知爲陳公
嫡派並敘與瀛累代年誼遂借其言以紀之公浙江嘉善
人也號雪園乾隆壬戌進士官至滇臬其孫名傳均者嘉
慶甲戌庶常道光甲辰登賢書之名雲瑞者原名家鏞公
之曾孫也同科名翰芬原名廷華官至江蘇常鎮道以及
現任直隸之獻縣知縣名復恩與夫瀛同官一邑之禹門
名廷贊者皆公之元孫也公之家世因禹門而悉之禹門
之家世幸賴此公而傳之噫陳公行述雖未厯敘詳明亦
可知其大節矣夫人之立節制行不必其在多也卽一言

一行之有關世道有碑

國家者皆足以銘鼎彝而光史冊况邊釁一議雖未遵行而
保泰持盈之量悉寓於發言之中故其時改議者迎合取
容卒至敗績屢諫者剛愎自用卒至無功而陳公坦然自
若數十年如一日隨分守職大節無虧其斯謂知時務之
俊傑乎雖然無此錄之大書特書幾同荆山之璞知已無
人若非遇陳子禹門又烏知陳公之家世科第連綿至今
勿替瀛不揣冒昧代贅數言使後之讀是錄者咸知陳公
之出處卽一端亦可概想其餘則陳公之幸也陳公之後

昆亦幸也而與陳公之年誼世交景其遺徽仰其芳躅亦莫不共幸也光緒十四年秋七月花翎同知銜昌黎縣知縣覃懷原恩瀛從蓬民謹跋於遼西官廨



嘯亭雜錄卷四

緬甸歸誠本末



汲修主人著



緬甸古宋波地自古不通中國宋甯宗時始見史志元世祖征之責貢賦而還明初歸宣慰司以羈縻之間亦修貢賦地不過數千里附近之提涼猛善猛洪密司蠻慕木那落卓來十猛廼擁會金坎毋得馬大山宋賽錫箔猛樟猛素孟良整欠整賣諸大土司尚非所有及莽體瑞之子莽應詔漸強盛明所設三宣慰皆服屬

本朝順治十五年大兵破貴州明桂王由榔奔緬甸定西將軍愛星阿吳三桂等於十八年十一月入緬至木邦白文選降於茶山康熙元年緬酋自相篡弒殺明宗室及黔國公沐天波等數百大將軍等索由榔緬人不與師至阿瓦緬人懼遂獻師歸緬不通朝貢其世次亦不可考至雍正九年緬酋與整邁構兵緬日蟒占燈在九龍江遇守備燕鳴者告以國王明年進貢之語鄂文端公以聞得

旨宜聽其自然不必招致乾隆十一年開茂隆廠雲南永昌順甯

徼外有狽狽其地二千餘里北接耿馬土司界西接木邦

界南接生狽狽界東接孟良土司界其長曰蚌筑自號葫蘆王不知所自始有世傳鐵印緬文曰法龍湫洛木隆華言大小等之長也所居木城草房戴金葉帽著花衣跣足山居穴處以布纏頭敝衣短褲刀耕火種軍器惟刀鏢弓弩又有夷目蚌項幸猛蕪思莽悶俱蚌筑弟兄叔姪分掌地方不屬於緬酋免耿馬土司罕世屏代稟願歸順境內茂隆山廠自前明開採甚旺廠民吳尙賢等議給山水租銀不敢受請照內地廠例抽課報稅以作

貢物總督張允隨奏言葫蘆乃化外野夷輸誠內附請將此

項厥課飭令減半抽數一半賞給該酋長以慰遠人之心
得

旨允行十三年鎮康土司刀悶鼎報緬夷厥願通職貢不許十四
年二月茂隆厥吳尙賢入緬甸先是池西道承差賈興儒
奉差往茂隆厥訪緝厥犯鄒啟周張寬果等茂隆厥委吳
尙賢於十二月丙戌派帶練兵一百餘人分起前往訪緝
壬辰吳尙賢帶練八百餘人賈興儒隨同自厥起身癸卯
至猛幹十五年正月朔日乙巳厥練已擒鄒張二犯自猛
幹押解回厥吳尙賢帶練兵一千二百餘人前赴緬甸時

緬人上年所遣土目五人請進貢者尙在鎮康吳尙賢要
令前導了未自猛幹起程庚戌至木邦木邦令頭目猛占
等八十餘人從之丁巳至錫箔庚子至宋賽吳尙賢等所
過土司地方皆有餽遺遂致書於貴家貴家者隨明桂王
入緬之官族子孫淪於緬自署曰貴家據波竜厥採銀貴
家頭自宮裡雁素與緬甸有隙因率兵阻之吳尙賢至麻
里脚洪遣人致書講和貴家羈其使吳尙賢遂齊緬兵三
千餘人至德嶺城與貴家挑戰三月庚戌貴家出迎敵詐
敗尙賢追擊爲貴家所敗緬甸復遣人解和吳尙賢由麻

里脚洪回厥賈與儒於五月癸丑帶張寬果回大理尙賢欲邀功說緬酋彝達拉遣使入貢莽從其言具奏求降十五年七月葫蘆茂隆厥課長吳尙賢稟稱緬甸國王彝達拉情願稱臣納貢永作外藩命工匠製造金銀二鉞篆刻表文又造金寶塔裝載黃亭黏緞緬布土物各色馴象八隻入貢又貢

皇太后馴象二隻黏緞緬布等物差大臣一員頭目四人象奴夷衆數十人出境過江於四月抵邊界請代奏督撫司道會議布政司官爾勸會按察使糧鹽進東迪西四道議以前

鎮康土司知州刀悶鼎等稟報葫蘆緬酋請通貢已不許今稟內絕不言及且明置緬甸宣慰司今表內未稱宣慰司舊銜又有蟻穴自封夜郎天外之語亦未敘明所遣使臣名銜吳尙賢前稟與今稟又復互異至木邦乃緬甸所轄中外攸分准木邦投誠木邦即緬甸之叛逆必至大起釁端亦有害於國體吳尙賢初到厥地恃強凌弱今率緬甸來降實有邀功之意且外國歸誠亦斷無借一厥民爲媒進之理將來緬甸有寇警必另求援兵不應則失統御之體應之則苦師旅之煩恐鞭長莫及反難善處况前明

雖通賦貢受侵擾者數十年我

朝久置度外獲安謐者百餘載邊境之牧安原不關乎遠人之賓服其不可信及不可行者各四而巡撫圖爾炳阿竟據稟詞並表文入告表文曰緬甸國王莽達拉謹奏

盛朝統御中外九服承流如日月經躔陽春煦物無有遠近羣

樂甄陶至我

皇上德隆三極道總百王洋溢聲名萬邦率服緬甸近在邊徼

河清海宴物阜民和知中國之有

聖人臣等願充外藩修誠致貢祈准起程由滇赴京仰觀

天顏敬聆

俞旨等語十六年得

旨准貢凡筵宴賞賚一應接待事宜俱照各國貢使例以示綏遠遣官伴使赴京入貢至十月貢使回滇吳尙賢旋被逮尙賢本無籍之徒捐通判職銜屢犯殺掠重案隨緬使入貢又沿途生事總督愛必達奏請革職於十六年九月拿審擬大辟

旨未下瘐死獄中十七年敏家攻阿瓦破其城上年十一月緬甸

貢使回抵耿馬聞滾弄江外有警十二月耿馬土司罕國

楷遣人伴送緬使至木邦緬酋遣子糯喇他蟒左同弟色
亢瑞凍至猛廼城迎貢使未至是年三月敏家破阿瓦城
以率敏拖王巴喇扎居之緬酋避居約提卽曼撒堪等處
無定所其子糯喇他蟒左亦避居錫箔四月緬使抵猛廼
建亭閣藏

勅旨御賜欲俟國定始還十八年九月丙寅木疏頭人甕藉牙與
貴家戰勝合貴家及約提卽之兵共五千人圍敏家時景
賣卡普幹宮之子占乃木莽率衆至猛廼欲據緬十九年
正月緬使及緬酋子資蒲草書至耿馬未及回國緬酋莽

達拉卽爲得榜錫箔所殺子色亢瑞凍出奔緬國無主甕
藉牙起兵聲言復仇糾合緬屬各土曰擊敗得榜諸夷自
立於木疏城尋徙阿瓦緬國舊屬土司皆遣人降不服者
輒出兵攻擊因貴家據波竜廠採銀向有歲幣至是不復
輸甕藉牙擊潰之追至猛廼獲所藏

勅書御賜遣人四求緬酋子色亢瑞凍避入木邦甕藉牙追之二

十年六月耿馬孟定等土司以木邦警聞十月辛亥色亢
瑞凍挈妻及親屬頭目男婦等八十餘人緬酋二人渡江
入猛卯總督愛必達巡撫郭一裕會檄猛卯土司遷珂遣

之使去越二月始出境赴滾弄江明年六月渡江赴猛放後不知所終二十三年二月襲藉牙攻陷木邦木邦在耿馬外爲耿馬孟定鎮康之藩籬落卓土司地強而大襲藉牙據有阿瓦落卓首先歸附於是襲藉牙寇劫波竜廠威脇木邦索其賄貴家宮裡雁與結些國人糾約廠衆至木疏鋪劫殺兵始退緬酋莽達喇族弟占朶莽先分居景邁宮裡雁遙附應之十二月宮裡雁謀攻卓落會占朶莽及木邦土官之弟罕愚至落卓劫殺落卓大敗復謀引襲藉牙及各土酋兵攻貴家及木邦泄其忿二十四年三月落

卓先鋒六千餘人至臘戍占朶莽率猛交兵一千駐猛迺乘落卓兵練遠出間道赴落卓木邦土司罕底莽聞緬甸落卓兵至發練堵禦適其家屬於大橋邦囊翼日與宮裡雁出伺小坡與落卓決戰越二日木邦城陷罕底莽奔莽憂家屬渡滾弄江至那離又遷於錫峩緬兵入踞木邦人民逃竄波竜廠多歸內地沿邊土司撥練防守宮裡雁率兵練男婦二千餘人渡滾弄江奔蠻東蠻弄勢甚窮蹙又由白沙鋪駐南湖欲假道耿馬孟良往牯狐求占朶莽所在會兵復戰而占朶莽已襲破落卓率兵練還救木邦木

邦復定罕底莽宮裡雁復渡江回永昌鎮府聞報率兵二百名於四月辛酉出禦行抵姚關旋即撤回二十五年緬甸酋養藉牙死其子莽紀覺嗣與各部構兵如故二十七年正月宮裡雁被蠻首追殺甚急由猛良奔至耿馬又由孟定之邦模南投入莽且窺楚無歸五月丁酉至猛戛並至孟連之猛尹散處各村莊初宮裡雁自阿瓦出奔帶練一千三百人至木邦撥給占朵莽五百人實止帶練八百人又脅從阿瓦緬子木邦擺夷及攔掠男婦共三千餘人既抵猛尹猛尹頭目率衆驅之宮裡雁乞內附寄居孟連

地方我孟連土司刀派春赴猛尹收其兵器戶索銀三兩將其衆安插於猛尹各遷寨宮裡雁不欲受土司管轄已相嗟怨總督吳達善索其七寶鞍爲明太監王坤由北京內庫竊去者宮裡雁以祖宗傳物恡不與吳遂令挈其妾婢六人赴石牛廠刀派春遷宮裡雁妻攬占及男婦一千餘人至孟連城又向攬占及頭目撒拉多索牛馬童女以賄吳達善攬占忿於閏五月丁丑夜糾衆焚孟連城殺刀派春家屬三十餘人僅留刀派先及刀派春妾二人戊寅攬占撒拉多率衆逃至猛善狝狉等處刀派春族兄刀派

英聞變率練往勦而猛善狝狐等處亦各路劫殺擄占大敗逃竄派英寄信石牛廠民龍得位王天和等將宮裡雁款留宮裡雁不知也七月永昌守楊重穀檄耿馬土司罕國楷帶練誘擒宮裡雁並其妾婢六人及另獲之餘黨阿占阿久兩人囚解赴省布政司姚永泰曰孟連之變雁不與知況其夫妻不睦避居兩地今雁爲緬酋所忌憚奈何代敵戮仇按察使張坦麟審稱宮裡雁雖堅供不知情但勢窮來歸先令妻屬詭計歸服以致劫掠罪有攸歸且連年與緬酋擄殺既經拿獲斷不可仍留夷地之害應正法

吳達善以前鞍不與切齒於雁遂左袒張議適緬酋遣兵至木邦聲言往整欠景線遣頭目蟒散至孟連索宮裡雁所脅至之緬人刀派永悉將緬眾遣回益知內地虛實十月丁未殺宮裡雁以其妾婢分給功臣吳達善志既遂檄諭緬人以宮裡雁業經誅殺妻孥古及兇目等當拿送以靖餘孽時曠占已嫁莽酋弟惜駁緬人以爲有心指摘其淫行益忿恨與木邦罕黑勾結滋擾內地之耿馬耿馬於緬亦有歲幣緬目普拉布率兵來索闌入孟定執土司罕大興兵及茂隆廠永順鎮田允中調隣近各營進勦吳達

善恐兵連敗露前事飛檄田鎮責其輕率遂還師耿馬土
司罕國楷率兵禦緬於石步廠廠委周德會恃允中兵發
率廠練於滾弄江截緬歸路擊殺普拉布吳達善以周德
會殺良買功置之法緬人益輕中國二十八年十一月緬
人犯猛籠莽紀覺既兼并諸土司東之景線整買孟良整
欠皆迫脅附從復言普洱之十三版原納貢緬甸遣波定
思茅緬文於車里宣慰司索其貢獻率賊衆至打樂隘猛
遮撥練禦之遂犯猛籠劫掠村莊猛籠不能禦土弁刀乃
占召魯等被害普洱鎮劉德成領兵至思茅遣兵前赴九

龍江吳達善飭調元江土練未至次年春緬賊始退時復
分兵至我遮放邊外揚言來索木邦官吳達善畏惡戒官
兵毋與戰會莽紀覺病死賊乃退三十年莽紀覺之弟情
駁嗣賊勢愈肆其西之結些南之自古大姑拉小姑拉悉
爲所據是年賊犯普洱在當城之西南幅員遼濶與緬甸
之猛良猛勇整欠接壤南通南掌所屬有九龍江車里宣
慰司及木邦土守備六思土守備猛遮土千總普籐土千
總猛阿猛籠猛臘猛吐整董猛烏烏得土千總大小十三
土司俗稱十三猛又稱十三版其間九龍江猛遮猛阿猛

籠猛臘並猛遮所屬之猛海及九龍江所屬之橄欖壩小
猛崙猛彝補角等處均逼近外域上年九月匪酋召播率
衆一百三十餘人至九龍江要車里宣慰司前赴阿瓦會
盟時吳達善已調陝甘後督爲劉藻老儒也不識事體以
王者須正疆里驅逐之明年春賊飽颺去五月賊復由整
欠渡九龍江至猛臘烏得猛烏整董猛旺各土弁率衆驅
逐賊退踞猛臘劉德成遣土目擒獲土目以信波半阿池
等解審正法是時緬酋雖恣肆未敢抗官兵實遣人於十
三猛索賦十三猛係雍正年招降亦輸賦於緬十月緬賊

復由整欠入猛彝整欠頭目召教子召淵與車里宣慰司
一族車里所轄之猛彝頭目叭先彝召教惡其不遜遂勾
結緬賊攻之孟良頭目召丙召散以同祖弟兄分掌其地
召丙逐召散召散與緬頭目召猛照同攻召丙逃入內地
之鎮沅府乞降召散遂有孟良之地復結緬賊追逐召丙
於是緬賊益出入九龍江一帶矣十月提督達啟由會城
巡閱普洱十一月抵魯城卽開賊耗劉德成率本鎮百人
往思茅一帶彈壓提督移知總督亦前往劉藻卽移兵茨
通提督達啟進駐思茅劉藻聞緬人入犯先遣後營遊擊

明浩賚銀三千兩備犒復遣標兵八百人以甫抵任八日
之參將何瓊詔及員弁三十人率之前往接餉時緬賊
西由孟艮入打樂天猛遮九龍江東田整欠至整哈渡至
橄欖壩猛阿之整控渡亦有賊達啟之兵四出堵禦何瓊
詔明浩及守備楊焜帶兵二百人赴猛阿何瓊詔等止於
江干守備楊焜率四十人於子刻先濟整控渡河何瓊詔
等從之至午刻官兵悉渡甫行數里而楊焜兵已覆瓊詔
兵猝遇賊倉皇避匿劉藻遂以何瓊詔陣亡入

告而何瓊詔及軍眾等後先由威遠所屬之蒙撒江歸劉藻

復以

聞

上察其詐切責督臣命鞠何瓊詔等三十一年劉藻自殺藻先遣
練兵後屢接提鎮稟知賊勢猖獗欲親往按察使良卿復
愆惠之止擊丞令陳元震唐思等數員午夜猝發於除夕
抵普洱卽進駐思茅乃檄調各營兵數千時瓊詔等已失
事賊益熾傳烽逼近思茅城藻乃退於普洱前奏旣失旨
分調各路兵之檄已發復止人莫知所從以致漫無經畫

上以陝甘總督楊應琚調任而降藻爲巡撫藻益懼無所措因於

三月癸酉夜挑燈默坐趣侍者出自勿不殊宛轉床榻間
 七日乃死三月所調兵已集楚姚鎮華封具報以召丙為
 嚮導率兵由猛遮虎猛良召散遁無踪普洱鎮劉德成具
 報以叭先為嚮導率兵由橄欖壩至猛彝副將孫爾柱
 具報由車里至猛籠會攻整欠克之召散降提督達啟由
 猛籠攻猛勇召齊降時瘴癘大作賊眾亦退是月總督楊
 應琚至普洱以捷聞請賞給叭先彝三品指揮使職銜管
 理土務孟良整欠各留兵八百名猛散留兵一百名駐守
 九月達啟卒於軍啟捍禦邊城頗有勞績在孟良受瘴癘

卒滇人思之以李勳代李至數月亦以瘴卒九月猛龍沙
 人暨猛勇補哈猛撒等相繼內附而總兵華封復招插景
 線整賈孟良小頭目詣營投誠四月楊應琚既綏定普洱
 回省城以前巡撫常鈞有莽寨事畢即辦木匪之奏爰飭
 調文武及習孰外域情形者商辦騰越副將趙宏榜首陳
 木邦蠻慕反土司願內附納首勢孤易取狀騰越之西南
 為南甸千崖蓋遠之土司即所稱三宣者為騰越人屏翰
 三宣之外為蠻暮其西為曼鳩猛拱猛養東為猛密波竜
 自騰越關外復有止丹弄種各山寨是時聞各土司樂於

內附傳言懜駁之母勸其子臣服有機可乘趙宏榜楚人少為波童厥丁習緬事各頭目皆與之善總督楊應琚初弗聽曰吾官至一品年逾七十復何求而以貪功開邊釁乎趙宏榜復從之楊信其言於是令道鎮府州議迤西道陳作梅永順鎮總兵烏爾登額永昌知府陳大呂皆以賊勢甚大邊釁不可開騰越知州陳廷獻則銳意進取楊應琚怒阻議者陳大呂懼改初議烏爾登額阻益力書凡七上楊滋不悅而陳大呂陳廷獻及革職開化同知陳元震馳檄緬甸號稱合各國精兵五十萬大礮千尊有大樹

將軍統領以震攝之又密布牒分遣通事至各土司說降

初楊應琚議檄兵八千至是祇調三千俟八月至永昌蠻

暮木邦降附近各土司皆猶豫觀望六月趙宏榜帶兵五

百名抵鐵壁關陳元震遣人至蠻暮土司瑞團赴阿瓦未

歸其母妻及弟坤商以所屬五六十寨三千餘戶請降宏

榜遂率二百人襲蠻暮之新街一鼓克之坤商率頭目於

七月甲午赴永昌途次為趙宏榜要至軍營宏榜遂於關

外撫止丹弄種六醋喇痛邦領蚌林暮習魯緬喇同草柔

習董各山寨八月乙卯陳元震以憂鳩允昌投降頭目線

茂猛猛擣戮散老安等男婦五人解報陳廷獻等報猛密
土司亦欲投降遂請永順鎮調集兵馬欲領赴猛密未行
而趙宏榜先於七月內赴新街瑞團自緬甸回至速帕請
降猛密所屬之猛連壩頭目線官猛赴新街軍營請降趙
宏榜又遣人招降猛拱猛密九月木邦降木邦先既屬緬
甸立困相爲頭目又執木邦土司罕宋法之弟罕蟒立於
阿瓦以爲質復立者皆以監之者皆緬官名也既而罕宋
法殺困相三十餘人乞內附會罕宋法死者皆尙在木邦
木邦夷衆請上其弟線獲團緬酋不允又執其土舍法坤

象傳聞至內地緬甯通判富森招之獲團未敢驟降未幾
其侄線王格爲質於阿瓦聞木邦變殺守者竄歸獲團於
是內附富森並招緬甯以外牂羊帶其長至永昌俱加褒
獎緬酋遣賊數萬分道四出一由蠻暮一由猛密猛育一
由木邦一由滾弄江於木邦之猛梓大規罕錫箔宋寨等
處皆駐有重兵我兵定議禦之是月總督楊應琚赴永昌
受降陳大呂等以蠻暮之新街踞緬甸水陸之衝自新街
至速帕水路四五日可至緬甸自猛密之波竜陸路七八
日可到緬甸計日可望成功趙宏榜兵已駐新街在鐵壁

關外江干爲互市之所兵丁多受暑緬賊於八月中旬遣頭目覘軍營爲乞降狀趙宏榜不察信而遣之時新街兵少各路警報日至總督楊應琚飭永順鎮都司劉天佑騰越都司馬拱垣領兵四百餘名自翁冷出關於九月庚午到新街丁亥趙宏榜方祭露餉衆緬賊乘船猝至帆幟喇叭尾蜂擁蟻屯數千人登岸攻柵翼日勢益張都司劉天佑死之趙宏榜力持兩日一夜困不能禦趙宏榜收病傷焚軍械與馬拱垣等潰圍出間道由野人寨退駐鐵壁關瑞圍至宏榜安置於隴川其人民遁出關外野人村寨楊應

琚次永平縣太平鋪聞警卽避疾加調官兵分勦十一月永北鎮朱崙進攻楞木不克退守隴川東路永順鎮烏爾登額帶兵至宛頂欲進攻木邦西路永北鎮朱崙帶兵駐鐵壁關欲進攻蠻葛復新街雲南提督李時升於十一月甲戌自永昌起程辛巳至鐵壁緬賊自新街至林岡固守我兵四十餘人於楞木山頭分佈七營壬午朱崙出鐵壁關癸未至楞木緬賊請次日會戰甲申卯刻賊約三萬前進我營踞山向下烏槍殺賊甚衆賊復繞箐盤向上仰攻我兵放連環槍礮殺賊數千而不退相持四日朱崙請援

甚急提督李時升撥宛頂兵七百赴援我兵出柵下攻賊
佯敗山腰礮火起官兵傷者二百餘戊子賊張象皮攔牌
自辰至午攔牌忽撤已立營柵逼大營李時升告急於應
琚不報己丑官兵堅壁不出庚寅賊詐乞罷兵應琚乃以
楞木大捷入

告而緬賊先犯萬勿關竟入蓋達矣蔓延遂至戶腊撤賊氛
四熾燒劫村寨李時升又調楞木兵二千應援萬勿關在
騰越西與神護巨石二關並峙十一月己丑緬賊二千餘
由蔓鳩犯關入都司張世雄領兵四百駐蓋達赴銅壁謀

與駐守之遊擊班第會攻賊賊至蓋達焚掠土司城及太
平街民居壬辰賊抵銅壁班第等於翁冷立柵抵禦賊衆
仰攻竟日縱火焚燒官兵撤回關上甲午賊衆潛踰關在
山嶺架礮於樹下擊火光四起官兵潰散班第出關賊躡
其後死之張世雄聞道回營賊遂踞銅壁關李時升駐鐵
壁關聞警臨沅鎮劉德成領曲尋鎮兵七百尋霑營兵二
百遊擊清泰領撫標兵四百遊擊郝壯猷領督標兵八百
已於丙戌出曼霽關至南甸時升遣遊擊馬成龍守備馬
雲沈洪等帶兵九百由戶撒前攻檄催總兵劉德成從後

夾擊劉德成既擁兵千崖遷延不進馬成龍等復阻於海
巴江外不能逕渡時升遣把總田榮等督戰戊子馬成龍
等始渡江水沒腰火藥盡溼伏賊突起沖殺遊擊馬成龍
陣亡守備汪紀亦於壩尾陣亡兵傷者衆僅存未渡者七
八十人十二月丁酉賊渡江至戶撤時升遣遊擊邵應泌
守備劉世雄等帶官兵一千二百救戶撤賊連營平原王
寅時升遣副將陳廷蛟都司陳斌抽撥楞木官兵六百甲
辰時升又遣遊擊劉國良都司張璋周印守備程轍等帶
兵一千均赴戶撒山頭樹立營柵賊來攻我兵拒以槍礮

時劉德成尙駐千崖飲酒高會據婦女縱兵淫虐時升連
檄七次德成跋扈不進總督楊應琚聞之遣緬甯通判富
森持令督戰不從按軍法劉始於乙巳抵蓋達賊見戶撒
兵加又懼德成之擊其後也是夜於營外添設號火散放
馬匹作疑兵潛退我兵槍礮竟夕至曉入其柵皆空壘楊
應琚又以大捷

聞李時

升先以兵竄屢撤楞木兵未嘗以欲攻其外先清其內爲
辭決意撤兵十二日己亥緬目莽聶渺遮復至參將哈國

興營外願喫呪水乞罷兵壬寅朱崙放火燒寨撤兵甲辰

退回鐵壁關派兵一千五百駐鐵壁關外之枚橙坡防守
癸卯偵報稱有賊至酉刻即放火焚燒糧石火藥聲振山
谷乘夜倉皇走村寨四處火起槍礮之聲不絕黎明退抵
隴川而樸木之賊又由南庫弄河枚橙坡犯鐵壁關矣李
時升朱崙退至杉木籠山而由戶撒退回之賊尙盤踞銅
壁關下十二月壬子劉德成抵翁冷賊設伏誘戰劉堅壁
不動癸丑刻賊乘月落霧起統衆來攻官兵放連環槍
賊不能進殺三百餘人賊退至銅壁關甲寅出關遁乙卯
劉德成遣守備王化等進剿聞賊遁乃令王化領兵六百
駐銅壁關各關添兵防守楊應琚自途次構疾漸若失心
巡撫湯聘以

聞

上命兩廣總督楊廷璋赴滇廷璋至而應琚之疾漸愈滇兵方以
捷聞且恃前和議謂已受降歲事楊廷璋遂反粵前此

上遣侍衛傅靈安來視楊疾傅忠勇公之長子也往還數四奉
旨卽以總兵補用時賊犯鐵壁關入隴川乞降應琚許之復犯猛

卯朱崙退駐戶撒之東西十餘里隴川李時升恐賊橫截
我軍於外退至杉木籠山賊由庫弄河枚橙坡犯鐵壁關

而入李時升調遊擊邵應泌戶撤之兵二百檄催朱崙領兵三千赴鐵壁堵剿並令劉德成飭副將陳廷蛟帶兵一千赴弄貫要截賊歸路朱崙邵應泌不遵調遣俱回杉木籠山劉德成復執守關之說頓兵翁冷不進賊衆四千餘由鐵壁至弄貫連營樹柵分兵四出焚掠村寨擄我兵十餘人據隴川緬寺劉營隴川河外亦結營六七座乙卯朱崙兵至次日午刻賊以騎挑戰我兵分翼襲之越二日李時升遣遊擊豆福魁領兵七百會朱崙設伏議定戊午卯刻前進賊分三路迎敵我兵奮攻伏四起賊敗圍之庚申

午刻賊騎自弄貫來援突於叢林沖出官兵驚潰賊營亦乘機鼓噪而出追逐數里叅將哈國興遊擊毛大經劉國樑豆福魁都司張璋周印守備孫夢貴魏嶸程轍等俱不聽總統朱崙令悉撤回營軍械槍礮多遺失而總督楊應琚仍以捷

聞李時

升分檄劉德成由戶撤出隴川烏爾登額由戶思朗出隴川三面會攻不果行應琚遣副將孫爾桂鎮沅府翼士模革職開化同知陳元震赴朱崙營傳令勦撫相機速辦蓋陰示以和了局也辛酉至朱崙營是日緬目莽聶渺遮在

隴川河於都司張璋營外乞和罷兵後累乞和癸酉求見哈國興賊目至隴川河西哈國興在河東各遣通事一人於河中土墩傳說逾一二時賊獻哆囉呢四疋醃魚四擔國興犒以綢緞銀兩賊定時撤兵回巢總兵朱崙報之應瑯遂以緬酋之弟下坑土日莽聶遮渺詒營乞降懇賞給蠻暮新街以爲貿易資生之路入

告賊撤至弄貫還我兵弁八人遷延不去李時升檄朱崙偵賊賊將賞重運至鐵壁赴新街下船朱崙不識兵機復遣精騎追之賊以爲敗盟於除日由邦中山復犯猛卯三十

二年正月丁卯賊據猛卯城李時升駐杉木籠山朱崙孫爾桂移兵弄貫戊辰李時升遣副將哈國興遊擊劉國樑都司田萬鎮周印守備溫廷秀魏嶸程轍等領兵一千三百副將孫爾桂遊擊毛大經等領兵一千土練三百俱赴猛卯賊已赴底麻渡紮後城虛無人哈國興孫爾桂遂率兵練二千入猛卯城賊將濟聞我兵至悉攻城我兵施放槍礮賊攀城而上用沸湯注之雜以石塊哈國興登城督戰槍傷左腮穿落牙齒十一把總朱才進受槍破腦死賊遂連營圍城七月哈國興遣兵問道至隴川時升營請

援時升先已調劉德成領兵一千四百至隴川令烏爾登額領兵三千由宛頂渡連養江擊賊後賊分踞要隘又遣素克金泰領兵八百由虎踞一帶小路進陳廷較領兵二千餘由那中山進烏爾登額先至連養渡沿江邀截賊禦之戰於對岸聞我援兵至復回迎敵丙子巳刻遇賊猛卯山脚戰勝之至城下士練三百縋城出乘勢掩襲賊潰散是夜官兵宿城外丁丑城始開合兵追勦次日追至底麻江遊擊毛大經都司徐斌守備高乾陷於泥濘陣亡賊浮江遁入木邦楊應琚李時升以猛卯匪眾七八千人欲擾木邦官兵攻殺已遁現在追勦

聞是月應琚以猛卯賊退將議止兵而前所奏將蠻暮新街賞給

貿易經

上察其偽屢奉

嚴旨責其粉飾欺罔乃遣總兵朱崙烏爾登額楚雄遊擊莫凜俊

德邵應邨等領兵八千人河練波竜廠練一千人前進木

邦朱崙於二月丁酉自弄買起營途次遷延越二十四日

辛酉始至木邦賊據者萬餘是日午刻與我兵迎敵孫爾

桂持令督戰殺賊甚眾賊退據江留營九座木邦所轄村

寨俱被焚軍精均藉內地輓輸委遊擊袁夢麟李文廣領兵八百分布各臺護送糧運均於內地之分星塔三台山弄伍分駐外城只景楊兵二百名暮重底麻兵各五十人孟撤蠻黑南庫弄三處無兵練運糧撥僱牛馬四千餘匹委威遠同知張遐齡效力知州徐名道隨營供支賊截阻糧道三月丁卯至南庫弄辛未至蠻黑劫掠牛馬糧石殺馬夫王申總兵朱崙奉

旨逮問以孫爾桂烏爾登額統兵三月李時升抵銅壁關進抵野牛壩適奉

旨提問哈國興率趙宏榜參將四十一遊擊郝狀猷雅爾美阿吳大士等領兵三千餘進庚午抵蠻暮賊百餘人遁去甲戌抵新街並無一賊楊應琚復據哈國興稟以克復新街奏聞時炎瘴已熾病者相繼哈國興請退兵應琚遣迤西道陳作霖永昌道陳太昌赴新街會勘確情哈國興遂撤兵駐木籠山是月癸巳雲南提督楊甯至木邦營甯素以勇敢著任廣東將軍時奉

命速赴抵營攻賊奪獲舊寨嗣相持久而孟良之賊已犯孟連知我兵糧絕於四月戊戌數接戰賊出沒無定壬寅至象金

塔劫運糧牛羊殺傷官兵沿途阻隔糧運不繼己酉又至
蠻黑攻擊甚急我兵已七日無糧不能支甯下令撤兵兵
遂潰遊擊莫凜俊德死之甯至蠻暮壬戌入黑山門時烏
爾登額因效被逮大都孟連之賊于三月癸酉自木邦入
境孟連土練及狝狝之練不能禦賊據孟連燒劫木迺厥
應襲土司避居景杏乙酉賊破孟連之黑河丙戌至上猛
尹猛猛撥練於辣赫江禦之不克賊至猛猛入耿馬孟定
四出焚劫夷民倉猝均被擄順甯府城兵弱木邦賊未退
楊應琚調木邦官兵由滾弄江前赴攻剿未至順甯營參

將蘇國富兵亦在滾弄江潯緬甯居民震恐撥練于那椒
河大蚌江打雀山各隘防守賊盤踞順甯二十餘日始由
滾弄江兩路去別路賊復據整賣景線孟良先是三十一
年七月楊應琚奏請將整欠兵六百猛撤江兵二百撤回
九月又將整欠孟良兵全檄留楚姚鎮華封協同普洱鎮
疑珠駐守賊忿整賣六本景線孟良整欠之背已也謀報
之遂據整賣六本蔓延至景線逼孟良又由老本趨整欠
十二月六本土司召猛齋聞賊欲至六本徵調景海景欠
土練景線集練九百景海集練四百從之而賊先破六本

景海士守備召罕彪同回景線防守三十二年正月賊至景海召罕彪等領練迎戰不克退回景線甲午賊至景線景線宣撫司兩賽同召罕彪等合力攻戰四日不克兩賽召罕彪奔孟良指揮使召丙亦拏族遠徙時楚姚鎮華封駐札普洱與普洱鎮疑珠同遣駐防打樂之遊擊司邦直守備潘鴻臣帶兵九百進守孟良遊擊權恕帶兵二百赴打樂策應祇把總韓榮外委趙喜馬伯貴等三員帶兵二百駐打樂司邦直等俱在猛混觀望未進賊已據孟良前趨打樂老本賊眾亦至猛勇猛壘奔治前往迎之被圍賊

遂犯猛壘欲入猛籠整欠頭目召殺之子召淵欽銀賂賊謀結內犯諸猛震恐一月辛酉賊犯打樂韓榮派卜發領兵三十名往三島岔路堵禦賊猝至韓榮及兵眾皆死生還二四人遊擊司邦直遣潘鴻臣率兵二百往援途遇受傷兵知打樂已潰引軍還邦直鴻臣及遊擊權恕俱遁回九龍江駐札賊遂入猛混猛籠華封已出九龍江遣都司甘其卓赴整欠堵禦猛籠之賊整欠以先捧乞救甚急賊渡整欠江逼進猛奔華封自九龍江往補角遣司邦直駐小渡口權恕至橄欖壩以禦之賊之由孟良竄打樂也司

邦直等退避轉以接陣殺賊搃報楊應璩之子重英以江蘇按察使赴滇仿古監軍之名會同巡撫湯聘劾奏守備潘鴻臣先受瘴身故總兵華封疑珠遊擊司邦直都司甘其卓俱鞫問邦直其卓俱正法是月革大學士楊應璩逮入都以承恩公明瑞代四月巡撫鄂甯至普洱湯聘調貴州鄂卽劾楊重英驕縱失監軍號以道府銜從征鄂旋以烟瘴大作普洱無可辦事應回省且奏得

旨嘉獎令赴永昌會辦進勦五月總督明瑞至省卽赴永昌鄂亦偕往明以將軍兼制府給滿洲兵三千調貴州及滇兵二

萬餘以都統額爾景額爲參贊給關防調河南開歸道諾穆親爲滇鹽道陝西漢中道錢受穀爲迤東道及軍機司員傅顯馮光熊同襄軍事議大舉勦賊明瑞首發楊應璩欺罔之罪疏略言緬甸土人呼爲老緬或呼爲莽子蓋指前酋之姓木匪乃今酋原爲木疏長是一非二至木邦等土司種類繁多楊應璩以莽已絕滅引爲已功誤木緬另爲一事新街亦民夷交易之所原無廬舍其荒唐妄誕之事不可勝數以致調撥毫無意見一聞議降旋即撤兵動失機宜滇兵積久廢弛毫無鬥志將領亦未諳戰陣遺失

張亨來金 卷四
礮位軍器無算復奏劾李時升朱崙劉得成及烏爾登額
趙宏榜罪皆

報可李時升朱崙劉德成皆伏誅烏爾登額趙宏榜下獄六月解
前總督楊應璠至

避暑山莊命廷臣鞫得實

上大怒暴其罪令自裁逮貴州巡撫湯聘是月總督明瑞條上大
舉機宜略曰前次辦理種種草率動失機宜如永昌騰越
順甯威遠普洱沿邊土境二千餘里迤西七回八隘旁通
側出絕少險要可守之區皆處處駐兵二三萬眾亦不敷

調派臣今親督勁兵鼓勇進剿賊必救護巢穴其各土境
扼要總道如九龍江隴川黑山門等處自應留營派委員
慎選兵練偵探賊境隨時勦逐知會就近土司應援其餘
崎嶇小路祇令各總兵驛將弁使人川巡備禦如此則防
守之兵火滅於前而聲勢不分較為得力先於新街水路
上游量為伐木造船使船料木片沿江而下先聲牽綴彼
知將長驅水道必備以分其力兵自騰越永昌兩路出口
由宛頂木那一路為正兵其餘或分兩路三路由猛密等
處並進俾得聯絡聲援出奇設疑使賊疲於奔走在前所需
情三佳策 卷四 緬甸歸誠本末

兵糧係僱覓夫馬設站滾運撥兵護送此次進剿不若裹帶爲便細覈購辦牛馬馱載所費且有節省官兵出口後有黑山門遮放以內仍照例安設台站備遞文報至軍前遇有奏報卽於官兵內擇其妥幹馬壯者數十員常川送至黑山門交遞如經過外夷部落有誠心歸化者酌留官兵數十或二三百名作一大台站以資運送儻得依此相機酌辦更屬周妥遞事亦較便易並條列軍器糧運馱載各款俱

報可又查辦遮放運糧官員奏逮同知胡邦佑守備陳裕下獄尋

釋令隨營贖罪考定輿圖中地名七月劾曲潯鎮總兵索柱稱疾偷安得

旨革職效力贖罪以提督楊甯辦軍務多舛奏請以貴州提督譚

五格調補楊尋亦革職劾永昌府知府陳大呂備買軍糧縱役短價補罕朝璣爲把總罕朝璣者耿馬土司罕國楷之從子二十八年土司罕國楷稟其子不孝及通謀周惠國審訊無實留省以從征功授土把總茲復以去歲有功且通夷漢語授把總復查糧員逃入者以提督李時升呈出書移內有糧員吳等分散去也語革典史夏之璜職吳

楷張志元胡紹周陳正楷等皆以派撥護糧之官兵得宥
福靈安卒於永昌七月整欠召教率賊陷猛彝追以先捧
遂犯猛腊至九龍江先是賊由打樂入者據猛遮之猛混
未散由猛勇入者據猛籠札營盤踞德保已授普洱鎮同
開化鎮書敏於四月丙午至九龍江營調到官兵一千二
百正值烟瘴熾發率

旨軫念軍士乃令停兵養銳遣將領於補角小猛崙橄欖鎮落通

駐劄防守猛勇之召工既附賊整欠之召教召淵惡以先
捧之投指揮使而並得管轄整欠也務謀以先捧以洩憤

六月癸巳召工召教召淵率賊二千至猛彝以先捧力戰
經旬景線吶賽景海召罕彪集練助之奈軍糧匱絕火藥
鉛丸俱無夷民困餓難支丙午猛彝陷以先捧遁入茶山
之漫了寨吶賽召罕彪竄入內地開化鎮書敏駐小猛崙
普洱鎮德保駐九龍江之大渡口召工等追躡以先捧遂
入猛腊七月辛卯賊三百餘人及附從之猛勇整欠孟良
擺夷約千人貴家餘黨二百餘人至小猛崙書敏隔江放
槍礮日既午書敏病篤遂回緬甸寺留官兵堵禦至晚賊從
上游渡官兵沖散書敏奔落通之小寨令都司那蘇泰帶

兵二百堵禦蠻賴聞七月乙未賊自落通至蠻暮那蘇泰死之書敏由倚那至舊垓病故德保在九龍江聞風遁率四達等徒跳九晝夜而至思茅駐二日率將官等復赴九龍江賊三百餘人至檄檣壩小猛養焚燒虜掠由整哈渡退孟良盤踞普洱知府及參將報知總督明瑞卽奏奏德保解京正法書敏戮屍梟示乃飭署普洱鎮七十一昭通鎮佟國英率兵分駐養補角凡外域投誠之難民寄居各猛等俱行賑恤九月將軍兼總督明瑞議進勦領隊大臣內廷侍衛率滿洲官兵俱抵永昌四川廣東廣西解運牛馬

滇省各州縣所辦糧馬亦陸續解到定議分兩路將軍明瑞率大兵由木邦進取錫箔參贊額爾景額由老官屯進取猛密從征員外郎富顯馮光熊道員諾穆親錢受毅知府楊重英郭鵬冲蕭日章革職知府陳元震胡邦佑同知圖敏提督譚五格鎮將得寶李全國柱達興阿王玉廷哈國興木進忠長青及文武官員以李經朝翁得勝爲通事充嚮導線囊團線官猛線五格等俱在軍約會於阿瓦乙巳出師會天大雨三晝夜不絕人馬立泥中饑冷多病糧盡濕運糧以牛復不能速至潞江人衆船少十月壬戌始

畢濟將軍明瑞以庚午師次宛頂越八日整隊入木邦軍容甚盛叅贊珠魯訥以才日至騰越進木邦卽留守給兵五千爲聲援以楊重英郭鵬冲陳元震胡邦佑司印務輝劄十二月叅贊額爾景額卒於老官屯額先於十月癸卯抵騰越與譚五格率兵於十一月壬辰出虎塘關趨猛密越六日至老官屯賊已立柵攻不克戰亦不勝我兵久屯多病因幽恚死

上優叙

之以其弟額爾登額代將軍明瑞率萬二千入抵錫箔江結浮橋以渡至蒲卡遇賊之前哨知賊聚于蠻結遂進蠻

結賊立十六柵以待領隊大臣觀音保麾衆先據山之左臂賊來爭不得上聖曰兩軍相持未決賊柵甚堅柵外又開深壕植竹木銳其末而外向賊有柵護槍礮不能傷而從柵隙處發鳥槍擊我帳中哈國興請分三路登俯趨而薄之軍士皆奮直逼其柵有黔兵王連者先躍入十餘人繼之賊恇亂不知所爲多被殺遂破一柵乘勢復攻得其三而十二柵之賊乘夜盡遁賊自新街交兵以來從未經此大創明將軍亦一日中傷幾殞數日始稍愈領隊大臣觀音保扎爾豐阿等咸勸乘勝退兵至木邦整旅復進明

負銳氣欲直抵阿瓦觀音乘輿我出師時已失軍裝今軍器日少糧餉不足恐難深入明忿然曰汝氣餒非夫也觀音保亦忿曰孰非滿洲之夫共將軍死可也因進軍象孔去阿瓦七十里失道軍糧已匱明集諸將議諸將懲前言莫敢言退者明念糧旣斷勢不能進又慮猛密之師或先入而將軍轉退兵則法當死問猛籠有糧且地近猛密冀可得猛密消息定計就糧猛籠賊探知又我病兵爲賊擒者詢知軍中糧盡乃糾衆來追及我于章子壩明瑞與觀音保哈國興等更番殿後至猛籠果多糧賴以濟駐兵七日行而猛密之信杳如參贊額爾登額以九千衆攻老官屯木柵不克師久頓賊日增王廷玉陣亡錫箔音信已斷得

旨令前赴援乃與提督譚五格會率撤兵回不設殿賊襲我後軍器盡失入關賊屋入戶撒拾撤二處恣掠副將孫爾桂玉振允俱由關退回賊聞有備乃退額爾登額偵猛卯及邦中山梁有賊不敢進旋師至隴川所屬之猛權迂途月餘由龍陵出宛頂三十三年春明瑞自猛籠取道大山土司以歸猛籠糧尙多而牛馬俱盡無可馱運人各携數升餘

皆火之賊發我每夕駐營相距十餘里我兵至蠻化營山巔賊營于山半明瑞歎曰賊輕我甚矣若不決一死戰將肆毒於我無雉類矣賊久識我號令知我每晨三吹螺啟行明日仍三吹螺伏兵箐中以待營毋留一人翌日三螺畢賊果蟻附而上我兵突出槍礮聲如雷賊惶遽自相蹴踏死者無慮二千餘人我兵乘勢擊殺又一二千人坡澗皆滿是役我兵傷者數人總兵李全受傷死賊自是不敢追每夜在數十里外轟礮數聲而已而賊之先一日過者已柵于要路明瑞留五日以所得牛馬分犒軍行至其處

攻不能拔有波竜人引問道得出過波竜老廠新廠賊復增兵追至木邦上年十二月珠魯訥駐師木邦分撥參將王棟赴錫箔擺台站索柱赴宋賽擺台站守備郭景霄於天生橋擺台站丁丑皆起程甲申索柱偵得賊至卽前進遇賊戰丙戌退守錫箔橋正月辛卯賊數百來攻次日賊數千至守備郭景霄方渡河接索柱營見賊四面來攻卽潰參將王棟營亦潰索柱等衝出次日總兵胡大猷軍復潰于葫蘆口索柱陣亡辛丑賊鋒至木邦參贊珠魯訥誓死率文武七十人出禦乃付印及

御賜將軍之寶匣于陳元震謂我死汝以是歸元震懼卽偕郭鵬
沖逃入內地珠魯訥出師隔河遇賊歸欲以印徵兵而元
震已賁印遁關移知巡撫鄂寧卽奏叅得

旨以叛論置極刑明日壬寅賊大至珠魯訥自剄執楊重英我兵
大潰總兵胡大猷與胡邦佑等陣沒廣南府經歷許景淹
自剄死木邦一路台站俱斷賊首乘勝率猛密木邦二路
之衆畢集明將軍壘明瑞行抵小猛育賊已蟻集不下四
五萬人我兵分七營四圍皆賊額爾登額駐兵寇頂去小
猛育僅一舍竟擁兵不救明瑞遣卒探路曰路旁已有賊

柵矣乃命諸將達興阿本進忠等率軍士夜出而身自拒
賊從者領隊大臣觀音保扎爾豐阿總兵哈國興常青德
福巴圖魯侍衛數十人親兵數百人及晨血戰無不一當
百扎爾豐阿中槍死巴圖魯侍衛皆爲賊衝散副都統德
森保降賊觀音保發數矢連殪賊餘一矢欲射忽收策馬
向草深處以鏃刺喉死明瑞身負數傷慮落賊手力疾行
距戰處二十里氣僅屬從容下馬手自割髮授家人使歸
報自縊于樹家人以木葉掩之而去此二月十日也計自
章子壩與賊戰孤軍無援轉戰五六十日未嘗一敗明瑞

躬自晨起督戰且戰且撤及昏歸營勺水未入口糧久絕
僅啖牛炙一臠猶與親隨戰士共之所將皆餓疲敗殘之
餘明瑞體恤備至有傷病者不忍棄令士練昇以行故雖
極困憊人無怨志以阿瓦未平懼無以返命及

上有全師速出之旨而路阻不得達决以身殉又不忍將士隨死
結隊徐行持重自固使賊不能覆我直至小猛育去宛頂
不過二百里計將士皆可出而自以身死嗚呼可悲矣方
軍勢自蹙阿愈力嘗謂諸將曰賊已知我方竭然必决死
戰者正欲知我

國家威令嚴明將士用命雖窮蹙至此無不盡力則賊知所
畏而後來者易于接辦其謀國之深尤非徒死者可同日
語癸酉兵至宛頂巡撫鄂甯尙未知將軍陣亡卽將額爾
登額譚五格逗遛不進失快軍機及得將軍聲息並不通
知內地實屬有心貽誤具劾奉

旨俱逮問越日得將軍凶聞

奏入

上震悼賜卹立祠命侍衛兵弁及明瑞之家人赴猛育尋將軍遺

骸歸葬

京師額爾登額譚五格解至

上親訊額尙以無糧對

上愈怒譚自稱老臣

上命侍衛撻之數百額爾登額論傑明瑞喪到日

上親奠于郊卽用額爾登額祭之譚五格亦正法是月命協辦大

學士阿里袞赴滇協辦軍事卽授爲參贊以鄂甯爲總督

調江蘇巡撫明德爲雲南巡撫三十三年二月丁亥

命大學士忠勇公傅恆爲經略阿里袞阿桂爲副將軍舒赫德爲

參贊並

諭傅恆俟將次進兵再行前往阿里袞已赴滇舒赫德卽馳驛過

行派荆州滿洲兵一千五百名成都滿洲兵一千五百名

以荆州將軍永瑞統之于去歲京兵三千外復派健銳營

一千火器營兵二千前鋒護軍二千令將校率領陸續赴

滇其前鋒護軍二千旋停止以五福爲雲南提督是月副

將軍阿里袞抵雲南幕府爲郎中明善員外郎薩靈阿三

月參贊刑部尙書舒赫德抵永昌會同總督鄂甯密奏籌

辦形情略以每兵千名應需馬三千九百非馬十萬不足

濟用又稱現已設法招致緬酋投誠疏上得

嚴旨發原摺命廷臣遍閱飭其乖謬部議革舒職得

旨給副都統銜前赴烏什令總督鄂爾琿復奏是月戊戌猛勇召功率其弟召糯腊及緬賊目不足撻喇帶緬子三百人猛勇整欠擺夷二百名由猛勇猛籠至九江外越二日昭通鎮佟國英護普洱鎮七十一率兵于蠻孔接戰破擊傷佟國英手掌官兵奮勇陣亡者數十人賊退至猛混乙已賊鄂蓋率緬子一百餘人孟良召散率擺夷四百餘人由大猛養進遮放土弁刀召鈴伏弩截殺次日退至猛混與召坎等會合己酉出打樂隘退歸孟良尋奉

旨荆州成都兵俱赴普洱副將軍阿里衮請調隣近各省道府來滇辦理軍需派出道三員知府六員其丞倅州縣佐雜每省各派四五員晦日都司哈廷標於宛頂遇大山土司之從子阿籠云二月間隨伊季父於猛烈地方謁見明將軍後于猛育衝殺相失阿里衮鄂爾

奏准暫爲養贍俟進兵時往勘情形酌辦四月撤隨將軍明瑞進剿之兵回京其老官屯兵仍留滇緬酋差俘者許爾功等八人具蒲葉緬文求和并賞楊重英稟一封稱緬王不殺屢有投誠意且緬國各頭目俱願投誠是以苟延至

明史紀事本末 卷四
今同客長李萬全尹玉珏等宣諭我

國德威極力招撫仍照舊例辦理守備程轍盧懷亮馬子健

王承瑞等同具稟副將軍阿里衮以

聞不許五月總督鄂爾琿復奏云舒赫德稱

廷論復剿緝匪一事急切不能前驅掃穴賊降卽遣人探去

亦未爲不可實因旨昧誤稱設法招致得

旨二人所見乖謬彼此原屬相等下部議革鄂職奉

旨鄂爾琿降調福建巡撫以阿桂代阿桂在伊犁總督印務以阿里

衮署理省烏爾登額凝珠華封趙宏榜罪令在軍營效力

趙宏榜行次河南襄城縣中痰至七月卒巡撫明德赴永

昌以滇兵恇怯積懦撥貴州兵五千來滇木邦酋苗温差

人至猛占之蠻遮寨頭自金猛處令送字與遮放土司懇

內地人士司代求和並偵探從前八人具書求和之信其

緬文內有

天朝四位大臣來滇可否准和之語副將軍阿里衮據奏七月

奉

旨普洱今歲不必進兵駐劄普洱將軍永瑞等加意防守嚴奸民

販緬之禁汰滇冗兵議改曲潯楚姚永北三鎮爲副將改

定營制于兵事竣後行總督阿里表明德修省城至永昌一路傾壞道途八月調四川馬五千八百馱載馬騾二千九月總督將軍阿桂抵鎮幕府爲革職郎中王昶中書趙文哲十月副將軍阿里表駐兵騰越遣侍衛達里善至南坎殺賊二百餘人海蘭察至頓拐亦殺二百餘人襲夏鳩前鋒抵江邊焚賊棚又殺六七百人以馬力不足未渡江而還具奏巡撫明德以經理馬匹不善得

嚴旨十二月下旬廣東廣西營馬及購買馬共一萬陸續起程期

明春抵滇奉

旨查訊本年二月烏拉撒地方被兵事前總督鄂甯何以奏報並

無一賊副將軍阿里表奏稱房屋未經焚毀搶去四百餘人及牛馬尋落鄂巡撫職給侍衛銜軍營效力派索倫兵二千赴滇明年春復派一千吉林兵一千

盛京新滿洲西伯兵一千二十四年正月奉

旨令臺灣總兵葉相德選福建水師三千赴滇戊申阿里表阿桂俱授副將軍總督以明德補授巡撫以喀凝阿補授二月庚午大學士忠勇公經略傅恆自京起行復派額魯特兵千餘名三月命伊犁將軍伊勒圖赴滇提督五福將軍永

瑞率兵巡邊行次打樂遇賊剽殺出境是月經略抵滇卽馳赴永昌滇省先頒布謁見經略儀目平夷至永昌修館舍戒僕夫以待從行幕府爲侍讀學士毓奇侍讀孫士毅給事中劉秉恬郎中博卿領主事惠齡前後征調本省兵一萬六千四川兵七千有奇貴州兵四千有奇滿洲兵共三萬有奇議以九月二十日以前抵永昌以待進取降雲南總督明德爲江蘇巡撫以彰保爲總督經略奏留暫辦總督事尋以阿思哈爲總督復奉

旨命阿思哈在新街扼要之地駐守以彰保爲雲南巡撫調喀擬

阿爲河南巡撫俟彰保到後再赴新任令護軍統領武三泰副都御史傅顯等赴野牛壩時船料釘鐵已備至秋初船造成而傅顯以瘴卒五月續派京兵二千名卽先派前鋒護軍之半也六月奉

旨阿思哈到滇後其巡撫印務仍著明德署理阿思哈帶兵前進

後總督印務亦著明德署理七月降荊州將軍永瑞雲南提督五福爲三等侍衛尋革職以開化鎮調駐思茅之兵丁張國甯因姦被殺約束不嚴也以本進忠爲提督旋卒以長清代之經略旣至永昌越八日兩阿將軍及伊犁將

軍伊勒圖偕至南徼地多瘴羣議且侯霜降後出師經路遲之謂若是須坐守四五月旣糜餉且軍初至當及鋒而用久則氣懈非計也其進兵之路以阿瓦城在大金江之西若從錫箔路則阿瓦仍隔江外惟騰越州西戛鳩江卽大金江之上流過江則爲猛拱猛養兩土司前明主驥征麓川追思機發到此刻不江邊所謂石爛江枯爾乃得渡者也由猛拱猛養可搗其木疏老巢由木疏至阿瓦又皆陸行步騎可直抵城下乃定議大兵渡戛鳩江而西偏師在普洱遙爲聲勢後改議從猛密路夾江而下造舟於蠻

暮通往來部署既定七月二十日經略大兵起行阿里衮病瘍不能行經略請留養疾阿里衮誓從征乃留阿桂于蠻暮督戰艦經略至戛鳩集舟結筏十日乃畢師次猛拱土司官渾覺先遁焚其小妻招之乃來降獻馴象四貝葉書一牛百頭糧數百石至猛養亦有半米之獻于是所歷二千餘里皆不血刃而下惟途間忽雨忽晴山高泥滑一馬倒則所負糧帳盡失軍士或枵腹露宿上淋下濕致多疾病猛拱猛養雖緬屬非緬腹地故緬酋不遣兵來九月下旬阿桂造百船成閩粵習流之士亦至由蠻暮江出大

金江賊已列船扼江口阿桂擊敗之賊目憲雅得諾被創死由是江路無阻伊勒圖往迎經略遇于哈坎經略以十月朔渡江回蠻暮是夜也奔走數千里軍力疲乏未遇一賊經略名頓損患得病賊輕我兵水陸來犯阿桂將步兵哈國興將水兵陸路賊先至旌旗蔽野勢甚張阿桂麾兵以烏槍連環進弓矢繼之騎兵又從而蹂之賊不支大潰我兵追殺無算哈國興率舟師順流下賊列艦以拒閩兵躍入賊船賊溺水遁閩兵入水斬之賊奪氣我兵因風水之勢蹴之賊舟自相撞擊多覆沒紗溺死者數千江水爲赤江之西有賊柵阿里衮攻之連破二柵餘賊皆逃諸路軍皆大捷會經略病重諸將欲以是歲功阿里衮曰老官屯有賊柵前歲額爾登額進攻處也距此僅一舍不往破之何以報

命策馬先行經略以下皆隨之賊柵據大坡週二里許自坡迤邐

下插于江柵木皆徑尺埋土甚深遇樹則橫貫之以爲柵柵外掘深濠三層濠外又置橫木之多枝者銳其末向外名曰木簽我兵旬餘不得進先用大礮擊之柵木堅不折有折者賊輒補之哈國興斫箐中老籐長數百丈者繫鐵

鈎于端募敢死士夜往鈎其柵三千人曳藤以裂之為賊
覺夜籐斷經略又命火攻先製擲牌禦槍礮一牌可護數
十人以兩人昇而前才數人各挾薪隨之百餘同時並舉
如牆而進拔簽越壕至寨下方燃火忽西北風起火反燒
遂却回後遣兵穴地至其柵底實火藥轟之柵果突起
高丈餘賊大驚喊聲震天我軍待柵破掩殺無何柵忽落
而平又起又落如是者三不復動柵如故蓋立柵之坡斜
而下而地道乃平進坡土厚不能迸裂然賊自是懼其柵
之挿入江者開水門以通舟運糧械不絕阿桂謂如是賊

終無坐困之日撥戰棹五十越柵截之阿里衮病甚猶力
疾攻柵視槍礮最多處輒當之經略慮其傷令統舟師以
息勞戰艦整列賊糧械不得入由是益懼酋帥眇旺模遣
人乞和願結柵于兩軍適中之地請將軍等往蒞眇旺模
親來受約經略不許諸將以兵多染瘴日有死亡爭勸受
降撤兵乃遣哈國興往責眇旺模以進表納貢返土司地
諸事議未決眇旺模左顧而去哈國興單騎入其柵責之
眇旺模不敢見別遣人出請如約經略遂凱旋三十五年
春謁

上於津門自請罷劾

上憐其疾優容之因憂恚卒總督彭保遣守備蘇爾相往責前三約為彼拘留

上大怒復議興師以副將軍阿桂首倡罷議因視職以白衣從軍會金川蠢動遂罷南征議通四年金川平

上復命阿桂往雲南會總督李侍堯相機進兵緬酋縱蘇爾相還事乃已至五十四年緬酋濳駁被殺其弟孟隕初為僧國人立之因遣使輸誠納貢縱楊重英還重英自陷緬獨居蕭寺幾二十年未改

本朝冠服

上大喜受降召緬使朝覲於

避暑山莊優賚之許其十年一次入貢復重英道銜比以蘇

武之節

御製蘇楊論以旌之重英尋卒

癸酉之變

白蓮邪教起自元末紅巾之亂明有唐寶兒徐鴻儒等其經卷皆盜襲二氏之文極鄙褻又以真空家鄉無生父母八字為真言書於白絹暗室供之其教以道祖為重又有

天魔女諸名位自京畿迤南習者頗衆乾隆中傅文忠准任步軍統領時曾捕獲黃邨妖婦某氏伏誅究治黨與風稍熄而蔓延至楚豫秦蜀諸省遂有嘉慶丙辰楚北揭竿之亂兵興允載然後撲滅其傳習京畿者又變名八卦榮華紅陽白易諸名有林清者本籍浙江人久居京邸住京南宋家莊幼爲王提督柄家僮隨王於苗疆久頗解武技彼教推尊爲法祖願身薰面髯張如蝟自以智謀過人掌教久積銀米家頗富遂蓄不軌之志

大內太監多河間諸縣人有劉金劉得才等其家素習邪教

選入

禁中遂與茶房太監楊進忠等傳教羽翼頗衆因與林清交結會辛未秋彗星出西北方欽天監奏改癸酉閏八月於次年二月諸賊以爲豫兆又其經有二八中秋黃花落地語遂附會其說謂

本朝不宜閏八月故欽天監改之不知康熙戊戌已有之也楊進忠願而長面自覓險以鑄軍器爲己任暗於宣武門外鐵市中鑄刀數百柄林清結黨數千人其中祝現屈五劉第五劉呈祥宋進財陳爽李五等爲巨魁暗約於九月

十五日午時入

禁城起事漢軍獨石口都司曹倫侍郎曹寅後也家素貧嘗得林清助遂入賊黨之任命其子曹福昌連不軌之徒許爲城中內應福昌欲於十七日起事以是日

上駐蹕白澗諸王大臣皆往迎

駕乘其間也而林清狂於經言未改期欲聚數百人入諸逆監以爲

大內地不廣濶難容多人妄恃林清果有邪術可致勝清又倚諸內監諂熟

禁中路爲導引遂以二百人爲額皆市井無賴初無智略謀又不秘頗爲人知林清嘗步行街衢風聞其袂露懸坎卦腰牌爲市人所見又於街肆沽飲醉後露大逆語有司皆以株連太監不敢受視現者本豫王府包衣人居桑岱邨充豫府莊頭家頗富弟祝富慶頗不善兄所爲知反期已決奔告豫王豫王裕豐初欲舉發旋因於壬申年上閱南海子曰王亦曾寓宿林清家畏罪不敢

奏蘆溝司巡檢陳某因居民逃竄訪知其謀於數日前申報宛平縣縣令某已有僉派弓兵會同擒剿之札旣而不果

步軍統領吉倫貪吏也營員久已申報吉倫以事干

禁禦不肯究數日前方携酒遊西山香界寺吟詠竟日託言

迎

駕白澗是日騶從出都門有左營參將某攀輿以告曰都中情
形大有叵測尙書請留吉倫厲色曰近日太平如此爾乃
作此瘋語乎揮輿竟去十四日林清賊分二隊其東自董
邨至者以祝現屈五爲首約由東華門入其西自黃邨至
者以李五宋進財爲首約於菜市口齊集由西華門入正
陽門外開慶隆戲園劉姓者亦其黨曾授逆職爲巡城御

史是月延李五等入園觀劇酣飲竟日營坊諸官無過問
者十五日午太監劉德才引祝現等入東華門有賣煤者
與爭道賊脫衣露刃爲看門官兵覺察驟掩門賊喧然出
及陳爽十數人闖入屈五等皆遁今禮部侍郎覺羅公寶
興侍值

上書房甫退直出遇賊寶跟蹤奔入時署護軍統領爲楊述
曾漢軍人由參領起家率數護軍禦之殺數賊於協和門
下而官兵受傷者無算寶侍郎遂命掩

景運門入告

清宮雜錄

卷四 癸酉之變

四七

皇太子

皇太子從容佈置命侍者携鳥槍入並嚴命

禁城四門促官兵入捕賊劉德才引二賊入

蒼震門欲手刃太監督領侍常永貴洩夙忿為太監劉某擊

擒之其由西華門入者倉卒門不及闔遂全隊入楊進忠

與其徒高廣福引之尙衣監為製

上服處楊嘗乞其補綴而不與值司衣者拒之楊遂引賊入全

行屠害有老婦數人藏荆棘中獲免遂入文穎館殺供事

數人陶編修梁方校書聞門外履聲囊然突問曰

金鑾殿在何所陶僕某方提茶糕至以身陷陶賊傷數及陶

得以免賊遂叢集

隆宗門門已闔有護軍某知事急懷合符於身亦被數及曹

然以階下合符得以保全賊由門外諸廊房踰牆闕

大內

皇太子立養心殿階下以鳥槍擊斃二賊貝勒綿志亦趨入

隨

皇太子捕賊復有二賊潛入內膳房屋中衆內監擊殺之諸

王大臣聞變皆由

神武門入余在邠方奕聞變驃馬入至

神武門莊親王綿課貝子奕紹亦先後至聞賊聚攻

隆宗門納蘭侍郎玉麟方迎

駕歸短衣踉蹌入集城隍廟門前時官兵至者未踰百人餘皆

僕隸眾錯愕無策鎮國公奕灝勇士也掌火器營事因曰

今日火器營官兵皆聚集節亭備揀出征時有滑縣之變

可招而至也余應曰君言大是乃驃馬去鎮國公永玉護

軍統領石瑞齡曰

禁內監竄變恐不測可速備車乘以備

后妃之行宗室原任大學士祿康曰此何等語乃敢出口耶眾

默然成親王永理後至已被酒大呼曰何等草寇敢猖獗

乃爾吾手擊之因脫帽露頂勢甚雄偉有內監言賊甚兇

猛已攻

中正殿門入者約計二百餘人蓋卽其黨也須臾奕灝率火

器營官兵千餘人大莊王率百餘人並矛手數十從西城

根進余在後督官兵後至者副都統公安成超勇公海蘭

察子少年勇銳余撫其背曰君乃勲臣世廕不可有墜家

聲安乃奮勇向前遙聞槍聲忽然知己對敵有數十賊入

慈甯宮伙房莊王同安成奕灝先後追至

隆宗門賊首李五方欲縱火莊王率眾擒之獲數賊餘向南

遁時副都統蘇公

爾慎

鈕鈺祿公

格布舍

方奉

命南征入京整行裝聞警趨入亦首先殺賊侍衛那倫者太傅

明珠

後也少時家巨富滌百銀器日易其一晚年貧窶一

剋數十年人爭笑之是日應值

太和門聞警趨入有勸其緩行者那故迂直曰國家世臣當

此等事敢不急赴所守耶急趨至

熙和門門已閉傍徨間適賊逢至遂被害高廣福雜眾賊中

引賊由馬道上城腰出白旗招展或書大明天順或書順

天保民皆以白布裹首呼號於雉堞間奕灝蘇爾慎上城

驅逐高廣福持旗呼眾奕灝射之自城樓墜殞

御書處蘇拉某導李五方

御刻石榻間余督後兵自武英殿複道進理藩院員外郎岳祥

海蘭察婿也甚勇健與余遇願從殺賊時賊有迎拒者鏢

藍旗護軍校常山以槍擊之墜於

御河山卽下河擒之眾愈踴躍擒斃賊數十賊有自投

御河斃者有匿於城堞草中者有匿於

五鳳樓者天將黑與今禮部尚書穆公

克登阿

遇穆曰天已

昏黑奈何余曰今十五夜有月蓋安衆心也穆不解余意
曰月光終不及日光余急指心以示穆乃曰月光固皎如
晝也莊王等皆入

隆宗門內余念西華門為賊突入之所恐其乘夜奪門出因

率火器營兵數百屯於門側會成王命護軍統領石瑞齡

義烈公慶祥散秩大臣綿懷副都統策凌分守四

禁門慶公

祥

乃率其所管正藍旗護軍營弁兵至西華門會

英誠公

福克津

原任禮部侍郎哈凝阿皆至慶固多智其

營參領起興為緬中降賊德森保子勇健思幹黨與余露

宿馳道上太監張泰者已巳春同鄂羅裡共傾陷廣賡虞

侍郎時亦通賊由城堞蛇行伏於東華門馬道上為奕灑

所擒始知有內監通賊狀至五更月色皎潔如晝余與慶

公命岳祥率數十兵上城巡眺慶公又命長槍手數十拒

守西華門洞中夜聞寒風凜然內務府衙門中尚有佚賊

砍某郎中肩逃去大城內板聲叢雜竟夜不絕蓋王念農

侍郎麟率步兵巡邏甚嚴密天將明忽暴雨軍士火繩

俱滅聞

五鳳樓中有人聲余命火槍齊發然雨勢甚大因退屯

咸安宮門下兵弁無不怨雨非時者後始知是夜逸賊匿

五鳳樓欲於是時縱火突出會雨滅其種固

國家無疆之福也天明有

南薰殿人報其中有賊者余率兵立土墩上指揮數十人入

羣房有正紅旗火器營護軍校福祿冒險入擒數賊出賊

攀樹踰垣亦為兵弁所獲有史進忠者人甚黠余命岳祥

以善語誘之始言姓劉蓋以劉得才為可恃也久之始得

林清名姓及李五祝現率眾入西華門語會莊王率長槍

手數千人擁至余告其故王曰適奕公灝亦於錫慶門前

訊問陳爽供與之合余因與之籌畫兵食王蹙額曰內務

府倉中現不發糧奈何乃命余護衛向街巷中市餅餌聊

充竟日餐戶部侍郎宗室采齊斯歡至衣襟盡血云適巡

至

五鳳樓見一賊匿於屏側往擒之賊挺刃至余手刃之氣甚

壯果為壬戌宗室進才不負于城裔也因耳語余曰聞有

內監通賊者王勿泄天霽余親同岳祥上城巡視見正紅

旗兵列營西華門軍容甚肅余憑堞問之乃康副軍修隊

也午間莊王親散餅餌數人共一枚不足充饑余與慶公議修書寄家命運米數才石入供軍食從門隙投出自晚

米始至軍士飽餐日落時有火器營參領扎某入

御書處巡視闈石隙中有人語出呼兵入慶公命起與持刀

首入眾兵弁隨之余與慶福三公拒其門賊出門官兵踴

躍擒捕凡擒二十四人首謀之蘇拉亦與焉余訊之戰慄

無人色李五甚狡捷與官兵格殺被傷甚重是夜斃黃昏

時訛言有賊犯西長安門慶公與余列隊以行兵士有驚

詫者余欲正法乃帖服久之始知為古北口提督馬瑜率

兵由密雲至京城北塵土蔽天致有此訛晚間莊王入督

領侍常永貴擒劉得才數十人出皆俯首服罪此十六日

也次日味爽

上遣和碩額駙超勇親王拉旺多爾濟和碩額駙科爾沁郡王

索特那木多布齋固倫額駙固山貝子瑪尼巴達爾今大

學士托公津今吏部尚書英公和先後入京蓋於路聞警

報也

命八旗都統各於界域中擒捕逆匪各都統聞

命皆趨出惟成莊二王及奕灝安成等數人未動殊有識莊王

已將林清名姓居址密札告玉侍耶麟會英公和至已授步軍統領命番役張鵬高得明二人往宋家庄擒捕林清有宋某舉發其事因命為引導由東華門潰散者已歸告林清清猶冀曹福昌之黨應承於十七日起事者可可微倖因未遁黎明張高至其家屏向闔張高扣扇久之林清著燕服出張鵬偽告曰城中事業有成奉相公命延請以朝清大喜過望欲登車其姊闖然出曰事吉凶未可知不可獨往張高等推婦仆地遂驅車返婦踉蹌歸命數十人追之車已入

南苑門門隨掩追者無及是日傍午忽傳

上自燕郊迴鑾逾時遍禁城皆知貝勒綿志持鑰立東華門樓

上仁望

景運門皆洞開久之杳然蓋卽福昌之黨所為也余方假寐聞之不及著靴趨出慶公曰事關巨大我等有城守責不可擅離恐有他故余是其言諸王大臣於各偏僻處搜捕先後又得十數人有劉姓者縛臥

隆宗門側自怨艾曰吾早言是物凶狠終不能成事若輩不聽好語至此可見賊眾皆烏合然始終不獲祝現劉呈祥

二人或曰死於東華門著青衣者類呈祥然無左驗至祝現踪跡詭密不可深詰是日

諭旨至深獎

皇次子功在社稷封智勇親王貝勒

綿志

以扈翊功亦封郡

王職銜賞食俸銀一千兩擇十九日

迴鑾

命諸王大臣毋庸遣接以靖人心是日王率兵出巡九門歸

人心稍定晚間驟聞

禁城外喧嘩聲俄滿街訛言太平湖

在城西南隅

業經接戰

又言西長安門已破人聲沸騰時科爾沁貝勒鄂爾哲依

圖有母喪聞變墨纒守神武門外紀律頗嚴俄有冠五品

頂帶花翎人驟馬至云欲調官兵出

禁城禦賊鄂詢之即趨去又有騎白馬人沿街傳呼有賊蓋

即福昌黨羽期於是夜舉事者果益亭侍郎

齊斯歡守西

柵欄有營兵報賊至者果立繩杖之大僚有欲啟

神武門出兵者幸為莊王所阻守

午門之策凌聞變竟率兵開門首遁賴

皇次子遣安成巡察至

平門間無一人歸報

皇次子改命公舒明阿代守之舒招集前兵固守得無虞此
安成親告余者慶公撫御士卒列隊以待命岳祥趕興上
城瞭望謂余曰此隊文武二員殊可嘉俄大風蓬翳新寒
侵骨至夜半人聲漸息實無一賊蓋賊黨煽惑也聞北城
有兵出守

禁城其妻聞警自縊者有全家殉節者惜不知其名此十七
日事也次早北風淒緊日色無光士皆披裘立尙寒慄無
人色所擒賊有凍斃者至晚刑部始命司員錄諸賊生供

啟

神武門遞送於獄此十八日事明日余同諸王公迎

駕朝陽門內常服掛珠用兵禮也辰刻

上乘馬入都夾路士卒歡拜

上撫御士卒緩轡入

宮卽下罪已

詔衆王公大臣集

乾清門跪聽皆不禁嗚咽失聲

上立命開

肅宮佳采

癸酉之變

庚

內外城諸門以安人心

特賜將士食

命御前侍衛等視食畢然後覆

命又

命莊王及貝子奕紹等人

太廟

社稷諸官殿搜捕餘賊次日

召王公大臣於

乾清宮面

諭近日諸大臣因循怠玩有為朕宣勞者眾必陰擠殺之以致

有此大變余首奏曰

皇上此言真切中今日之病臣等世受

國恩使今日有此事真愧死矣

上首肯者再又

諭曰前日朕聞報時即命迴鑾

皇矣陵寢在咫尺間亦不能竭前詔言有賊三千直犯御營之語

朕諭御前王大臣不必驚懼俟賊果至汝等效死禦之朕

立馬觀之可也因又

肅亨維承

卷四 癸酉之變

明史紀事本末卷四
諭曰我大清以前何等強盛今乃致有此事皆朕涼德之咎眾皆嗚咽痛哭叩首請罪成王因言

皇上若此聖明百姓縱不能愛戴如父母何至反為寇仇此必有致禍之根容臣密奏可也

上曰兄可急繕奏聞王大臣中如有能據忠悃者可繕摺以奏待朕裁定眾叩頭謝

上又曰此中亦真有為朕出力者朕實知之不必因此生忌也眾又叩首出時有欲合辟邪丸藥使諸內監服之以卻其邪謀者

上笑而不答是時額駙拉旺多爾濟等奉

旨率健銳營往勦東董邨及宋家庄諸處賊已棄巢逃竄超勇

王遂焚其室巡城御史曹恩綬陸泌遣偵者巡邏於右安

門獲大監楊進忠家書始知其通逆蓋伊引賊入見莊王

率勁旅至伊即逃入直房閉門晏寢至是事定始遣僕通

信與其家乃被獲實天意也

上命承恩公和公世泰至其家搜刀布出乃伏法二十三日

上御豐澤園親訊逆黨諸御前侍衛佩刀環立威儀甚肅

上命壯王超勇王坐

御座側引劉進才劉金至

上問曰汝等皆朕內侍朕有何薄待汝乃萌此逆謀二賊俯首

稱

主子饒命者再

上笑曰汝既順林清何知君上三賊無詞

上命夾打畢牽去復引林清至

上問其何故蓄逆謀林清曰我輩經上有之我欲使同輩突入

禁門殺害官兵以應劫數

上又訊問其黨清曰有包衣人祝現為黨中巨魁

上回顧刑部諸臣問祝現何在尙書

崇祿

奏曰業經正法侍郎

宋公裕奏曰尙未緝獲

上首肯之顧莊王曰外間言太監皆叛今日審明除此數逆外

非盡叛也

玉音申諭者再蓋安反側心耳因

命將林清等卽時正法余是日亦佩刀隨往後有妄言林清有

諸邪術悖逆不服之言皆齊東語步軍統領五城御史等

陸續捕獲從逆賊黨

上優賚升擢有差革吉倫玉麟職其日未及入

禁城之大臣大學士劉權之刑部尚書祖之望禮部尚書王
懿修等皆

命致仕副都統楊述曾以協和門捕賊功宥死戍邊護軍統領
明志以是日入直乃其本管旗分官兵亦革職發往

東陵贊禮郎上行走後十月間步軍統領英公和訪獲曹福昌從
逆有證逮其父曹倫至

御訊於

豐澤園卽時正法以失察改革祿康裕瑞職發往

盛京居住逾年裕豐匿告事發革王爵後賊黨雖陸續就擒

然視現劉第五漏網殊使人憤悒也

滑縣之捷

河南滑縣地隣直東三省易於藏奸有李文成者素習白
蓮教為愚民所推服與林清勾通約於九月中起事有縣
吏牛亮臣主計馮克善皆與謀又有宋元成身軀壯偉多

點智乃勾通東昌曹州大名諸賊又恃有曹福昌劉得財
黨羽內應有司知者皆不敢舉發滑縣知縣強克捷陝西

韓城人中戊辰進士素忠懇乃收捕李文成於獄根究結
黨逆謀上司有阻之者強不為撼牛亮臣宋元成遂糾結

滑縣之捷

賊衆於九月初九日劫獄入署強聞變朝服立於堂以大義責之曰汝輩皆朝廷赤子奈何崇信邪教甘謀不軌自古幾見有紅巾爲帝王者乃爲此滅族之計吾爲汝父母代汝悲也衆感其惠不忍成宋元成首犯強公因屠害家屬數十人其媳徐氏賊欲犯之徐瞋目大罵怒嚙賊背賊怒醢之劫文成出獄遂據城叛欲結隊北上有教諭呂某佯降賊因給之曰昔川楚教匪蔓延九年所以終爲官兵撲滅者因不據城池無所守故也今可閉關自守以待他郡救援然後會師北上始保萬全賊信其說遂屯兵道口

諸村堡爲聲援計事聞

上命直督溫承惠爲總統率古北口提督馬瑜及護軍統領富蘭副都統格布舍蘇爾頓等率直隸河南綠營兵討之溫馳至正定聞

禁城變復率兵歸保定

上以失察林清及逗遛故褫其職改

命陝督那彥成督師命簡健銳火器二營兵二千命侍郎公慶祥副都統

御前侍衛桑吉斯塔爾副都統績德長慶等率之往時山東

昌亦有應之者賴鹽運使劉清副將馬健紀張拱辰等率兵誅夷無算

上又命固原提督楊遇春率陝中兵討賊楊固宿將所統兵皆身經百戰楊善爲撫馭得其死力河南巡撫高杞被圍於滑縣富蘭等統兵救之圍乃解那馳至軍請申明紀律檄調各省兵馬

上責其逗遛那謂人曰昔川楚之所以失事者皆兵力未集而遽與之戰反爲所敗是以人心震懾不敢復擾其鋒以致蔓延日久今吾當厚集兵力一鼓滅之遂屯河陽未進楊

遇春領關西兵至先率數騎馳入賊壘遍觀形勢曰烏合之衆易擒也會吉林黑龍江勁旅至遂于十一月二十日攻破道口諸賊壘李文成于官兵未合圍時已遁因前被知縣強公爽傷故不能速行那命總兵特依順保楊芳副都統德英額等追之李文成遁入林縣司寨山中徑路曲險賴獲土人導以進官兵有潰散者楊芳斬數騎人始用命四面合攻自辰至酉賊勢衰墜澗壑死者無算屍與澗平我兵乘之李文成知事急自焚死司寨之賊始盡其據城者猶曰將白旗招颺以期外援我軍將林清首示之賊

以為偽以林清內有奧援事定成其愚闇若此宋元成遣馮克善潛出圍北上以偵林清成敗及號召黨羽至河間旅店中為知縣張翔所獲

上命大學士托公

津

馳赴大名率富蘭馬瑜等討長垣諸賊以

次撲滅那用楊

遇春

提督掘地道計初于城西北掘之為

賊所破復于西南隅掘之既蕪城轟潰楊持卓旗首登堞

桑吉斯塔爾繼之城隅

關帝廟被焚火光如晝我兵乘勝用命那與高公

杞

登土阜

督率進兵至天明賊屠戮殆盡于破屋中擒牛亮臣徐安

國一賊斬之凡九十日滑縣平教諭呂某亦自縊死事聞

上大悅封那彥成三等子賜雙眼花翎楊遇春二等男高杞一

等輕車都尉餘皆優賚有差近年用兵未有若是之速也

強公賜卹知府銜謚忠毅建專祠媳徐氏贈恭人附祀焉

子蔭雲騎尉

伊犁疆域

伊犁乃準噶爾建庭之地因定為將軍駐防之所建惠遠

惠甯二城設將軍一人參贊大臣一人領隊大臣五人分

統滿洲蒙古綠營索倫錫伯額魯特回民諸營以為邊防

扼要其漠南去伊犁三千餘里曰烏魯木齊設都統一
副都統一人提督一人掌漠南軍務通北去驛路實爲新
疆門戶重地其北近哈薩克曰塔爾巴哈臺設參贊大臣
一人領隊大臣一人扼外夷要路其地西連哈薩克北界
俄羅斯爲一國郵貢要隘哈薩克入冬後則遷幕于卡倫
內避寒春夏始驅逐之實爲北門關鍵也其山南諸路最
要者曰喀什噶爾設參贊大臣一人幫辦大臣一人爲援
達克山接壤風俗醇良土地肥沃所轄皆二和卓木遺氓
撫綏尤宜得體其北曰葉爾羌其西南曰和闐皆設辦事

大臣各二人惟司回民採辦玉石以爲貢獻其地富渥天
時和暖有類內地非漠北窮荒比也其南五百餘里曰烏
什曰庫車曰阿克蘇皆設辦事大臣各一人爲回部心腹
之區綏定保障尤加慎重其南吐魯番設領隊大臣一人
爲古火州夏時天氣炎酷焦燥千里人皆避入地窖中至
夜始出爲市歲以爲常其北曰古城設領隊大臣一人相
傳爲唐李衛公建節之所溫相國福從紀曉嵐議因建城
焉曰巴里坤哈密各設辦事大臣及營汛諸官轉通糧帑
建牙設墩咸如內地焉

朝鮮廢君

明人十六朝小紀中紀朝鮮王李倣弒其叔暉事朝鮮嗣王力辨其誣具載於池北偶談今明史云天啓三年四月國人廢暉立其姪溆陽君倣不載篡弒事吾邸屬有韓氏者其譜言先世明暉朝鮮武臣為暉所任用後李倣據奪大位因暉於某島中以石灰瞖其目韓氏族盡被誅惟其始祖雲與弟霓星夜逃竄幾被擒獲凡三月始至

盛京投誠

太宗義其忠授輕車都尉世襲云云則小紀所載未必盡誣也

五國城

五國城古稱五國城頭以地據五國總路之首得名後世沿訛但云五國城五國者遼史營衛志謂剖阿里國益奴里國奧里米國越里篤國越里吉國設節度使領之屬黃龍府遺址在今何所無可考乾隆中副都統綽克託築伯都訥城掘得宋徽宗所畫鷹軸用紫檀匣盛瘞千餘年墨跡如新又獲古瓷器數十件並得碑碣錄徽宗晚年日記尙可得其崖略云于天會十三年寄跡于此業經數載始知五國城卽此地

俄羅斯

俄羅斯國在喀爾喀烏里雅蘇臺之極北東西袤長數萬里東接黑龍江西連安集延敖罕諸部落其人黑皙盲目衣服食物言語文字皆近西洋與蒙古部落習俗懸絕文官皆洋中人爲之武官始參用本國人其主名察罕汝女傳已七世生男則爲異姓人生女始爲國種又蒙古源流云元太祖之長子分封絕域來往數萬里

事見元史

卽爲

俄羅斯之始祖云然則彼國亦元裔也其世系莫可考矣

和真艾雅喀

吉林東北有和真艾雅喀部其人濱海而居剪魚皮爲衣裙以捕魚爲業去吉林二千餘里卽金時所謂海上女真也其舊俗父母至六十誕日卽聚宗族會飲剖其父母軀肉以供賓客埋其骨於戶樞前歲時祭奠其鄉黨始稱孝焉

仁廟許其世娶宗女命改汚習至今其部落歲時至吉林納聘將軍卽買民女代乘以紅輿贈以厚奩其部落甚尊奉之

洪豁爾國

俄羅斯北有洪豁爾國甚富強護軍統領百公順嘗至其

境謂其人善射有三韓之風自言先世係由索倫遷移者
按遼史天祚被擒後太祖八世孫達實率衆西移凡萬餘
里羣臣共冊立爲天祐皇帝妻蕭氏爲昭德皇后是爲西
遼後爲愛烏罕所滅其國豈其苗裔耶

嘯亭雜錄卷四終



71022972

